

Søknad om tilskot frå Bygdeutviklingsutvalet mars 2021

Vil med dette søkja om tilskot.

Vaksdal Kommune har mange kvalitetar, og det har i lang tid vore eit stort problem at desse ikkje kjem fram til andre enn innbyggjarane som allereie bur her. Spesielt ute i bygdene. Før Vaksdal Kommune bestemte seg for å laga si eiga nettside, sette eg derfor igong med dette sjølv, på eige initiativ. Om\ når Vaksdal kommune si side er ferdig (som sikkert er ei stund til?) kan desse sidene leva side om side. Vaksdal si framtidige side kan også hente informasjon frå denne sida der det kan vere nyttig. Dette vil ikkje på nokon måte vera ei konkurrerende side.

Sida er no: www.velkommentlivaksdal.com (Dette kan sjølv sagt endrast til .no domene.) Og det kan sjølv sagt stå velkomen med ein M slik god nynorsk skal vera, sjølv om ingen faktisk seier det slik! ;-)

Uansett: sida er låst no under redigering, men berre registrer dykk som "medlem" så skal eg godkjenna bygdeutviklingsutvalet slik at de får adgang. Denne låsen vert fjerna når sida er klar.

Tanken bak: Enkel, lett vint og god informasjon til dei som lurar på kva som eigentleg er i Vaksdal kommune. Spesielt dei som vurderer å flytte til Vaksdal. Noko som direkte informasjon med tekst, video og bilete, og resten som lenker og kontaktinformasjon direkte til der dei kan finna ut meir. Kombinert med den dei nye kommunevertane kan dette vere eit svært godt verktøy.

Som det også kom fram på kommunevertmøtet: Dette manglar i dag!

Eg vil presisera på sida at dette ikkje er ei kommunalt drifta nettside, så det ikkje vert forvirring omkring det.

Noko som understrekar behovet for ei slik side er at undervegs i arbeidet med sida, så har eg gjentatte gongar kontakta Vaksdal kommune med spørsmål som eg gjerne skulle fått svar på. Nokon epostar er tilbake til i oktober\november, framleis er alt utan svar. Spørsmåla har handla om eksempelvis tomter, om næring, om lag, kulturplan og anna som like gjerne kunne ha kome frå nokon som vurderte å flytta til Vaksdal. Null tilbakemeldingar ville vore eit dårleg førsteinntrykk i så fall.

Sida kan enkelt redigerast utan unødige byråkrati og venting. For akkurat det er eit større problem enn mange kanskje forstår. Både firma og private som ser noko som bør vere med på sida eller burde endrast, kan enkelt ta kontakt for å få gjort dette.

Alle eg har snakka med undervegs har delt velvillig og stilt opp, veldig kjekt. Eg har sett saman alt på sida og laga mesteparten sjølv, men enkelte bilete og anna har eg fått låna av andre (merka med namn). Sidan ikkje alt innhald er mitt, vert alt arbeid og arbeidstimar i dette prosjektet utført som reint dugnadsarbeid frå mi side. Eg vil ikkje ha betaling for å visa ei side

der også andre sitt arbeid er med. Denne sida er frå innbyggjarane, til innbyggjarane og forhåpentlegvis til nye tilflyttarar.

Denne søknaden er difor ein søknad som kun gjeld å få dekka allereie påløpte utgifter ifm produksjon av sida og noko til å kunna oppretthalda sida framover. Direkte utgifter til webleverandør etc, altså ikkje løn for arbeidet.

Nokon ting manglar framleis, men det vil forhåpentlegvis koma etter kvart. Eksempelvis presentasjon av barnehagar og skular (om ikkje anna enn bygga, leikeområdet og plassering som eit minimum), og video som viser litt meir av dei resterande bygdene som enda er utan video. Og gjerne også korte intervju med lokalbefolkning om nokon stiller opp. F.eks representantar frå eit idrettslag som kan fortelje om det dei driv med. Nokon kommunevertar er heller ikkje kome med på lista enda; igjen på grunn av svært lang svartid frå Vaksdal kommune.

Ellers lyt ein sjå på dagens utgåve av sida som ein betaversjon som kan utviklast, redigerast og tilpassast slik ein ynskjer. Vonar folket i Vaksdal vil senda innspel om dei ser noko som er feil, noko som bør fjernast eller noko som bør koma med. Om folk har gode forslag kan dei senda alt frå bilete til ferdige tekstar som kan brukast direkte. Håpar på ei dynamisk og oppdatert side!

Utgifter:

Leverandør av webside, 1 år nå ved oppstart:	1188,-
Leverandør webside for 10 år framover m\rabatt:	6000,-
.no Domene 10 år framover:	2790,-
Kilometer, kjøring rundt til alle deler av kommunen	
undervegs fram til no. ca 200km x 4,50 =	900,-
Lisenser musikk og sfx	3183,-
Lisenser stock foto\video brukt til headere og ved manglende bilder	2216,-
Timer til innhenting av informasjon, ta bilder, video, redigering, sette opp nettside, med meir: 120T (++) x 450,- = Kr <u>54 000,-</u>	Dugnad
Tilsaman:	<u>16 277,-</u>
(mva 25% vil koma i tillegg)	

Dokumentasjon\kvittering på alle utlegg kan sjølv sagt sendast ved positivt utfall på søknad.

Håpar på positiv vurdering, som vil gjera at sida kan leva vidare og utviklast til å profilera Vaksdal kommune på ein god måte framover.

Rune Langeland
Kallestadvegen 31
5727 Stamnes
Telefon: 41041372
E-post: stamnes86@hotmail.com